欽 定 全 唐

文

欽定全唐文卷六十八目錄 飲定全唐文卷六十八 敬宗 封皇子音為晉王制處分賢良方正等科舉人制 授牛僧孺集賢殿大學士監修國史制 授牛僧孺武昌軍節度使制 授實易直平章事制 授李程平章事制 授裴度司空平章事制 目録

優恤客戸勅	試制舉人勅	清理庶獄詔		疏決囚徒詔	令京兆府平糶詔	賜將士錢絹詔		停郢州刺史馮定官制	
-------	-------	-------	--	-------	---------	--------	--	-----------	--

封景王二年十二月立為皇太子四年正月即位實悉元 年四月上尊號曰文武大聖廣孝皇帝在位三年年十、 帝諱湛穆宗長子元和四年生長慶元年三月封鄂王徙 理多務者必資經遠之能總眾材者實在選舊而任轉咨 欽定全唐文卷六十八 與議參詢廟廷果獲誠臣副予虚位正議大夫尚書吏部 敬宗皇帝 日睿武昭愍孝皇帝廟號敬宗 授李程平章事制 以敬宗

乗弊倫以澄躁競數名實以鎮浮虚協睦乃僚無替朕 侍帷 舉首是必至公爾宜謹繩墨以示諸侯平好惡以待多士 其得俊衡鏡表於無私果牧難踰深藏不耀朕荷負重 無悔之地以馳至正之途而元輔披陳勇於進類常思 祗守大業自顧寡珠動遵先規委成台司不操匠野自 程文含鍾律器挺珪璋行已蹈常與物無各早以詞翰密 欽 侍 與自任不若因賢以求賢命之愈求以名列上 定全唐文| 巻六十八 握開宏顧問發揮訓謨周旋臺閣閱悉中外秀造 柱 國渭源縣開國男食邑三百戶賜紫金魚袋李 而 程 居

直端厚靜點直方簡廉氣深而和識敏而達每去華而務 爰因銓品之鑒載竹烹飪之功可尚書吏部侍郎同中 果得才傑副予虚求必惟其人乃命以位朝議郎守尚書 然後周道重熙漢德累洽朕以沖助託於億兆之上緬惟 昔周宣王漢宣帝思宏祖業克紹先搆用申甫邴魏爲相 とこれにかいて、以京 戸部侍郎兼御史大夫判度支上柱國賜紫金魚袋實易 文祖元宗之理若涉大水浩無津涯詢於嚴麻俾舉髦碩 下平章事散官勲賜如故 授竇易直平章事制

書戶部侍郎同中書門下平章事判度支 道 輸 廉俗垂惻隱之仁輟於天官掌我邦計風慎財貨均節委 圖萬物資始審象而授其代予言爾尚獨予一人用屆於 金 且漢以丞相調兵食周以冢宰質歲成我國家雜用古 賙給不窮膽濟皆足國有大柄屬於全才況朕親臨寶 下寅亮天工粥諧庶務宏我 以重其事也爾往欽哉無忝我成命可朝散大夫守尚 不為善以近名早以器能揚歷中外司憲著紀綱之績 気台屋文一港ノナン 授牛僧孺集賢殿大學士監修國史制 德撫綏萬邦佐子沖

欽 業爰命奮庸秉事君之小心藴難奪之大節往以聖體 增其命數訓正圖書之府裁成義例之條銀青之階光 自給閣掌語會府貳卿聲實彰華人德歸厚先朝嘉其器 豫潛心保和 金魚袋牛僧孺大玉不琢喬松挺姿文探典謨學貫流略 定全唐文人卷六十八敬宗 命兹所以賞勞而取貴也正議大夫守中書侍即 門下平章事上 **肱每申勇退之 医於理將推恩於天下必首自於輔臣是用極其褒** 73 能畫一 懷用廣進賢之路損而招益謙乃彌 柱國奇章縣開國子食邑三百戶賜 持平守而不失朕自膺寶歷深 三 同 違 仗

之安 斧文武二柄付於全才金紫光禄大夫中書舍人侍郎 迭敘之旨全進退居正之心抗詞不回秉志難奪得不處 績於百代建休風於一時有深畏滿盈雅懷止足體陰陽 可 實開朕心克諧愈論必能刊魚魯於往籍垂褒貶於國書 書門下平章事兼集賢殿大學士監修國史牛僧孺 門下平章事兼集賢殿大學士監修國史 下朕恭承大統屬當平寧方委心輔臣釐齊法度垂茂 郡益以榮名是用建新軍以統武昌佩相 授牛僧孺武昌軍節度使制 印而兼齊 同

宗以忠啟奉先朝積有信誠擢於廊廟法無越制官無及 書門下平章事鄂州刺史武昌軍節度使 爾 固吾方沙學宏濟斯人耒耜戈矛仁壽鄙天簡子懷者 座 廉問七州往惟休哉無替厥服可檢校禮部尚書同中 而和裕慎密而坦夷秀乎文華寫於行實以直策悟憲 而誰是用輟中樞圖史之閒開夏口油幢之府典型 無託賓道無偏倚逮兹旬歲亟聞昌言朕當惕然虚 既終園寢之重克修郊廟之儀前志彌堅陳懇益 處分賢良方正等科舉人制 、敚宗 非

於教化科第五上等車正貫軍謀宏遠村任邊將科第 楊魯士楊儉來擇趙机裴惲第四次等章縣李昌實嚴 猷 田鬯崔璜第五上等李涯蕭夷中馮球元晦詳閑吏理達 言極諫科舉人第三等唐伸韋端符舒元娶第四等蕭敞 錫尤思物不得茂遂道有所鬱埋是用虚衷訪賢側席 於正朝吾之不然亦可謂信於海内矣賢良方正能直 殿緘密以獻閱自朕躬切獨予違無所回忌第於上 關於中典至於伏陛叩額造膝犯顏皆縣遷顯榮寵 深居法官高處宸極當慮天下多務壅於上聞朝廷大 定全唐文<br />
一卷六十八 匹

皇子畢封用固於磐石斯所以載宏不緒惟懷永圖且茂 章允膺舊典長男普幼稟異質夙應嘉祥旣表岐疑之資 德於本支遂推思於嗣息況祗荷眷祐屬當長賢宜承龍 欽定全唐文、卷六十八敬宗 門下昔周室之與也藩威並建式資於維城漢氏之制也 **縻爵之經在第三等人委中書門下優與處分第四等第** 四次等第五上等中書門下即與處分 如響不窮如泉著之於篇爛然盡在宜膺中鵠之選用叶 ·裴傳第四次等侯雲章咸以讜言正詞兵符教本應問 封皇子普為晉王制 五.

罔有易置況勲望冠代器業絕倫副予揣論養此休運凡 位於今二年嚴原藩封逮於左右前後皆皇祖聖父之人 封之後乃用李元紘張九齡之傳以承法度洎予恭守大 髦故我元宗開元之始任宋璟姚元崇之輩以調陰陽東 朕周觀帝王之道春秋富則倚附舊老享悉久則簡擢俊 之道可封晉王宜令有司擇日備儀冊命主者施行 君臣之義命以樂國錫其介珪用數可久之基爰叶至公 日慕恭良之性朕以寡昧度奉宗桃庶明父子之親以及 授裴度司空平章事制

戲君臣合符不可多得千載 登帥壇接士猶布衣之心悲特急惡關之思價重乎內 夫守中書門下平章事兼與元尹上柱國晉國公裴度以 忘家捍患協於憲宗以匪躬不撓佐於先帝十拜相詔 位可守司空同中書門下平章事仍令所司擇日備禮 名般乎華夷藉是風猷俾參大柄且滿吾志亦用愈聞 百有位敬而聽之山南西道節度觀察處置等使光禄大 自強垂後以居重文終之畫一平陽之并容諸葛持衡 相如引車之意率彼四子足為成人服兹昌言往踐乃 一发云 遇猶為比肩爾宜援古以

劉仿所犯臟私其數至廣恣為貪猾固抵刑章若據本條 名流雷 吏之體頗涉無儀刑賞或乖宴遊不節緣經恩赦難更科 合當極法以其大父於國有勞特為於量便從寬宥宜除 書猶持郡符公議不可宜停見任 馮定經使臣推問無入己贓私所告罰錢又皆公用然長 欽定全唐文人卷六十八五 命 流劉伉雷州制 停郢州刺史馮定官制

管師旅畫巡夜警協力悉心自始街哀至於踐祚忠勤 鎮各賜絹十匹錢五千軍吏及城内諸軍賞物節級有等 欽定全唐文《卷六十八敬宗 朕以寡昧私膺實位載懷悼懼豈所克堪而羽衛爪牙禁 時所期均濟兩軍官健各宜賜終十匹錢十千畿內 聞邊 談節用彰將圖錫資務欲豐厚屬頻年早薄御府空 於內庫更出綾絹共二百萬匹度支充邊軍春衣并 府賦稅如要蠲放者并委所司約此數均勘取濟 上将士至今未給衣賜水言軫慮深切寤懷霑

慮囚徒之中或有冤濫宜令御史中丞刑部侍郎大理 近者夏麥垂熟霖雨稍多雖不甚損傷亦是陰陽小冷必 街置場出難其價錢仍司府收貯至秋收雜 京城米穀翔貴百姓乏食者多夏麥未登須有效即宜 太倉陳粟四十萬石委度支京兆府類會減時價於東西 百將士宜悉朕懷 疏理決遣託聞奏其在內諸軍使囚徒亦委本司疏決 疏決囚徒詔 令京兆府平耀詔 出 卿

農功所切實在耕牛波毗乏此理須給賜宜委度支於東 聞奏 次定全毒之~ K~~ 敬宗 理見禁囚徒除首罪外餘支證並責保放出其有法不得 下百姓其價以戶部綾絹充 重困救旱之備深所注懷宜令京兆府各勒諸縣令長疏 近日京城雖已得雨畿甸之内霑灑未周災歉是虞黎元 鎮武靈鹽夏州分市耕牛萬頭交付京兆尹均給畿內貧 清理庶獄詔 令市耕牛部

歲韶六官九卿方岳尹正有位之士逮於庶僚高懸四 續紹不圖撫臨方夏實懼誠有所偏信鑒有所未周乃前 之遠故唐虞而降則考試觀俗漢魏之際則詔策求賢朕 朕聞心術順道天下可一言而興聰明壅途堂上有千里 原情有可恕者府司一 多りミノコーラニ 京城及畿内諸獄亦宜並與除放冀得存活 亦委本司長官親自覆視準前處分炎熾方甚狴牢可於 薦羣彥將訪衆政之闕酌至論之中子大夫庭列儼然 試制舉人勅 條舉當為獨免御史臺大理寺

地 欠三年を一年と十一敬宗 優計宜委京兆府減 試 點首如有願於所在編附籍帳者宜令州縣優恤給與開 固子大夫之所講磨矣當竭誠慮無有蘊藏宜坐食記就 各應其品是用宵興前殿永日渴求條列坦明咸本經史 一周年不得差遣 縣獨奉八陵供辦支持實為繁併眷言物力須議 减奉先縣租役勅 優恤客戸勅 半 租并雜色役等令諸縣均 L 出

委寄之功不朽之名上下同有眷言嘉歎無以過兹想宜 無愧於前修羊杜之風豈慚於後代卿有緝綏之美朕成 黃遂性者者樂生憑懇陳誠飛章上請延覽休績欣然注 知悉春寒卿比平安好遣書指不多及 心今令翰林侍講學士崔郾與鄉撰碑文庶使襲黃之美 於慮表而能文武參用農戰兼修人俗載安軍政斯理 金にんにたう 殷東夏扼洪河之險東當白馬之要津制機於事先銷萌 得守義奏當道將吏等請為卿立德政碑卿位崇庶僚寄 賜義成軍節度使高承簡立德政碑勃

將校者老緇黃同請立碑紀卿德政非公方達於事任惠 化感於人心豈能致其怨誠固求篆刻眷言嘉歎寤寐在 安集師旅和寧忠劾章明聲猷暢治頃得守義奏云官吏 勃承簡卿家傳韜略門襲麾幢累受藩邦皆著勞績黎元 知悉春暄卿比平安好遣書指不多及 以庇人政能利物觀其辭理亦頗周詳將垂不朽之名用 昨遣翰林侍講學士崔郾撰述翰林待詔徐幼文書德 時之美無慚児首何愧色絲其碑本故今賜往想宜 賜高承簡勅 六合會同終始四時無爽違之憾往復千里免塗潦之 是賴一二鼎臣凡百執事成懷嚴奉各表哀敬百靈拱衛 寢哀達神明而公卿庶寮憑怨伏奏迫以重義奪予至情 朕孤藐惟疾慈嚴早違靡日不懷終天無逮將欲躬護園 勞身切宗屬特從輕典粗以繩違宜量罰兩月俸 李方現不自謹身有此喧競假如品官凌忽只合具實奏 欽定全唐文人卷六十八時前 朝肆狂疏恣行殿擊傷人見血理在難容但以父有勤 光陵禮成優勞德晉 罰李方現俸勅

钦定全唐文卷六十八敬宗 與 橋道使賜絹一百五十四銀器二事特加一階修築使賜 身橋道置頓使賜爵一級與一子官出身內山陵使兼 使 副 絹七十匹特加一階按行使賜絹五十匹特加一階修築 感歎盈懷是申勞典旣加恩以預錫遂流澤以蠲租山 仍特加 禮儀使兼陵所攝太尉行事官各與一子七品正員官 使賜絹三十匹加一階鹵簿使儀仗使並賜爵一 賜爵一級六品以下各加 一子出身橋道置頓副使各加兩階昇梓宫官三品 **階山陵副使按行使並賜爵 階神策六軍修築官健及** 級各與一子出 王 級各

至三品五品未合敘者賜爵一級六品以下各加 哀册書寶讀册官等五品以上賜爵一級六品以下各加 有差吉凶儀使諸色行從官等五品以上各加 獻等各賜爵兩級餘減勞考有差其數處職掌任所便從 太尉侍中告諭冊諡寶靈座前進諡寶奏外辨奠玉幣酌 檢校軍使陵所造作押當官吏及中使等并諸司諸使應 階昇寶無官及橋道置頓官儀仗鹵簿使判官等各賜 山陵修道造作及專知執當工匠等賜物加階爵減選 級勲改選減有差其挽郎放出身後七選許集南郊 階 如

常赦所不原者成赦除之左降官縱元勒云終身不齒者 自長慶四年三月二日昧爽以前大辟罪已下罪無輕重 賞並委京兆府審勘聞奏 山陵用不盡錢與填所放錢數其近道鄉村坊市屋宇什 文不滿貫者每百放二十文仍委逢吉與府司計科便以 令放免擽陽美原高陵富平來年夏青苗錢每貫放二百 物田苗等有被毀損并近陵百姓偏有役使理宜節級優 司處分奉先縣營奉力役勞敝極深來年夏青苗錢宜 御丹鳳樓大赦文 文に

喪葬嫁娶車馬衣服事關制度不合踰越委中書門下明 貢奇綾異錦雕文刻鏤一事已上有涉踰制者悉斷至於 常貢之外更不得别有進獻縱節度觀察使入朝亦不得 進奉諸道監軍自今後在本道并入奏並不得進天下所 所放青苗錢外亦更量放錢三萬貫斛即三萬石其天下 路所放青苗錢外更放錢五萬貫斛即五萬石河南府除 免秋青苗錢并河南府夏苗錢每貫放二百文其京兆府 别勃安置者亦放還京畿諸縣應今年夏青苗錢並宜放 欽定全唐文 卷六十八青 亦與收錄諸色得罪人先有勅云縱逢恩赦不在免限並

費及乗與服膳委所司起今年三分其本色物價及水陸 王承元程權劉總田宏正等五家在本道日所有債務并 老疾病者並委所司選擇放出鷹犬之類本備蒐狩委所 司量留多少其餘并解放仍勒州府更不得進來官禁經 稅錢其元和已來兩河節度使全家歸闕者如張茂昭 擇端良者降嫁老官人及殘病不堪使役並有父母羸 科條頒示天下有不守者御史臺及出使郎官御史嚴 訪察節級科處其六宅十宅諸王女宜令每年於選 半委度支收管一半便任本州收充助貧下戸關 敚 宗

及諸色椎糧稅等錢幣重輕須有損益亦委中書門下條 宜據見徵稅案為定後與戶部類會具單數聞奏仍勒 戸部如有隱漏委御史臺及所巡院察訪聞奏天下兩 徵率並不用勘問自今已後州府所申戶帳及墾田頃畝 留可去者聞奏務從寬濟勿使難守其餘羨錢非兩稅 郡約舊事費用者條件縣中書門下便差官類例詳定可 有異於法制之事被人言訴者一切不得為理仍各與 多安全唐文 人 老六十八 予正員官天下州府財物有餘羨者委觀察使及所管州 定稅如有逃亡死損州縣須隨事均補亦仰年終申

史臺切加訪察仍限勒到一月内每道各具所還州縣 疏 畝分析聞奏其諸軍先擒獲吐蕃生口配在諸處者宜委 並宜禁斷其軍屯管種有侵占丁田課役稅戶者宜委御 御史臺及出使郎官御史等切加察訪仍具事由聞奏天 本道資給放還本國天下諸州府縣官吏應行鞭捶本罪 諸色人中有賢良方正能直言極諫經術優深可為人 聞奏諸道除正勒率稅外不得擅有諸色推稅涉擾 致死者假以責情致令殞斃每念於此良增惻然宜 詳開吏理達於教化軍謀宏遠堪任邊將者委常參官 人放宗

交乎神明四海駿奔衆祇受職冀下觀而化皆内誠乎心 敓 祖考之羞因體元以統悉遂頹恩而大宥可大赦天下改 度奉成式惕然惴懼而今而後不敢滿假庶無大悔以貽 百王之禮樂在陳列聖之聲詩合奏敬極嚴配道備饗親 中惟盡敬昆蟲草木之實致豐於蠲潔哀樂和愉之感庶 並諸道節度觀察使諸州刺史各舉所知限來年正月到 門下朕以眇薄纂承洪構祗見九廟肇祀二儀外飾備物 都其所在淫祠不合禮經者並委長吏禁斷 定全唐文 卷六十八日 南郊赦文

大辟罪已下罪無輕重已發覺未發覺已結正未結正 長慶五年為實歷元年自實歷元年正月七日財爽已 員官未經改轉者亦與進改亡官失爵放歸不齒者量 憂去任服関日亦與量移如有親故在上都任於所司陳 近處已經量移者更與量移如復資者即任依常調選 左降官自長慶四年三月三日制後未經量移者與量 囚見徒常赦所不原者成赦除之其官典犯贓不在免限 次定全事と、後六十八敬 , 紋縱元勅云終身不齒者亦量與收敘流人未到所 便與處分不必更待本州府申請别勒因責授降資正 宗 上 繋

移隸者亦與量移近處得罪人已亡残家口未許歸家 停替及因病假解官並終制未授官者委中書門下量 反逆緣坐等一切並與洗滌常參官及諸州刺史有先因 巴亡残各還本官流貶人所在身亡任其親故收以歸葬 及已到者量移近處如已收敘者量才敘用并僧尼道士 切放歸, 縱逢恩赦不在免限者并别勒安置者亦并宜委中書 ラミアララ 下量事狀輕重節級處分左降官及流人先有官者 州縣量給棺機優當發遣諸色人中有狼累禁錮 如自情願住者亦任諸色得罪人中如先有 ラー 勅

欽定全唐文、卷六十八敬宗 每念於此良增惻然宜委御史臺及出使郎官御史等切 自今已後邊上不得受納投降人並擒獲生口等天下 國 委國子祭酒選擇具以名奏天下州縣各委刺史縣令 加覺察仍具事由聞奏澄清教化莫尚乎太學惣治心術 州 必本乎六經天下諸色人中有能精通一 先擒獲吐蕃生口配在諸處者宜委本道資給放還本 録勿令稽滯致仕官未經改轉者量改官依前致仕 母許因循所在停住國家與吐蕃舅甥之好彼此無處 府縣官應行鞭捶本罪不至死者假以責情致令殞斃 經堪為師法者 Ę

城者委吏部今月内檢勘畢除涉踰濫者餘并却收以地 既施惠澤亦在霑恩其長名及雜駁放選人如有未雜京 苟有向隅之悲遂彰納溝之慮如聞去冬吏部三銓選人 駁放者衆或文狀粟錯或書判差池主司守文不得不爾 殊堪在朝獎者臺省有闕宜先選擢一夫不獲時予之辜 宜令精選有志行文學兼詳明法律者注擬其有課續特 資慎選庶叶詳平大理寺官屬比來吏部所授多非其才 言理職官不重不足以棲賢開出入之文束上下之手必 延儒學明加訓誘名登科第即免征徭刑罰不清不足以

處分不得出選限內比者法令懸科彰示大信法旣 政 懷朕 為虚文豈吾德之未明為有司之見到永言歎息中 定全害文 卷六十八 葬以息淫費禁奇靡以專女工隱實版圖謹守儲 何適從赦令不行因循成俗誕告四方為虚設開施 一倍擅賦 輕錢幣利害軍屯侵占車馬衣服之制度公私人己 嗣量才注 私悉令條疏貴欲該備頒宣未幾麼格已多或職 即位之初已有赦令至如捐徹服御止絕地獻 開雜禁錢吏行姦欺人冒依庇僧道踰濫 擬 如不情願受地遠官亦不可強之仍 敬宗 と 備 無 流 庶 守 限

度支鹽鐵巡院準前後詔勅切加訪察各具犯狀移 無所申明及雖曾宣下不能提舉者具事由聞奏量加沙 喳 汰其在有司州郡者委御史臺及分察使出使郎官御史 者左右丞據詔條司額重加分配勿容推倚若因循寢 廢 亦 其本判官及刺史已下必加貶責用懲不恪如舉祭之 一慢而不能將明或語命總行而下已不守以此求理 難乎其元和已來認書並長慶四年三月三日赦令委 不行事在朕躬者諫官極言得失無有所隱其系臺 熙自守事狀泄露者亦據容庇量加殿熙仍並委 勘奏

京西京北邊上諸軍州鎮自今年已後如有中使及郎官 書門下重有舉明去年三月三日赦令及今年赦文一事 欽定全唐文、卷六十八敬宗 成簡用咸登右職近代遷除過速資給轉繁扇為時風莫 地便合祗承戸稅本主贖日不得更引令式云依私契徵 御史奉使到所管並不得與人事物應天下典人莊園 故已聞代換更易雖遽資望如初善否不分升降莫驗 有固志親人之職為弊尤深毗俗土宜未及周悉迎新 上切加懲督責據時限量官吏勤情具科殿輕重聞奏 組織貧人處氏建官必明點防漢朝置吏皆長子孫 送 政 店

為 夾侍正衣進珪捧珪各賜五十匹亞獻終獻正衣各賜 咸遷代無關敗者即與進改磐石維城義深麟趾穠華 周年不得除替如理行尤異但議就加其有才宜他職 四十匹大長公主嗣王 嫁禮次椒塗縉紳文武之良才執事恪居之奉職克參裸 要籍者中書門下先具事由及授上年月奏聽進止 煩 及致仕官三品已上賜爵一 一計肅雅亞獻嘉王運終獻循王適等各賜物一百匹 無益公私自今已後刺史縣令若無所犯非滿 郡 主縣主各有賜物內外文武見 級 四品已下加 一階合 滿 灼

克昌道逾三代之英化立百王之範象賢崇德垂裔作 教儀斯崇憲章無改文宣王二王三恪各與一子官其祠 身陪位者每家放一人出身應陪位者皇儲五等已上 門六品已上及前資常選散官簡選日優與處分未有出 斯在皇五等已上親三品已上賜爵一級五品已上 三品五品欠考未合飲者待考足日聽敘斯文未墜降 及太皇太后皇太后三等已上親三品已上賜爵一 廟委所司量加修飾堯稱敦敘周述本枝收族是先睦 定全唐文《卷六十八敬宗 巴下加一階諸親四等及諸州賀正官並諸色陪位 親

曾經甄獎者每家與一人正員官元和已來有因戰伐 績何日敢忘武德以來配變功臣及將相名節尤著長慶 前資及有出身者各減一選締構與王獨成昌運熟藏 聞奏如勘覆詣實當有處分其有骸骨暴露者宜令所在 於王事其名節顯著未有優贈者各委本道節度使條 四年三月三月制未需甄敘者委中書門下條疏聞奏量 優獎故尚父汾陽王贈太師晟贈太尉秀實子孫中未 烈冠史編九原推可作之風百代凜如生之氣載懷不 五品已上加一階六品已下及白身人並賜熟兩轉 次色白馬と一人民、トト一敬宗 節度使與一子正員八品官東都留守度支鹽鐵使觀察 者更與改贈官已至一品邑號已至國夫人者不在此限 夫人者不在此限中書門下及節度使帶平章事者宜與 號已經追贈者更與改贈如贈官已至一品邑號已至國 仕官及階并邑號父母亡残未經追贈者量與贈官及邑 處置都團練都防禦經略招討等使及神策金吾六軍將 官及諸州府長官父母見存未有官封者並量與五品致 坦壓宏教愛之典爰命推思念追遠之懷用頒微贈常參 子正員七品官祖父母父母先亡残各與追贈經追贈

應郊廟升壇升殿行事官普恩之外宜更加 勤是宜甄獎內行事官三品巴上更賜爵一 贈者各與追贈職修祀事禮奉嚴禮既治殊思宜加異等 軍大將軍上將軍統軍威遠鎮國軍等使皇城留守各與 金ランニをラーオフーノ 子正員九品官京兆尹特加一階父母先亡殁未經追 品五品者任待考足日聽敘尚書省三品四品已上 五品已下各賜勲三轉應從駕至郊廟者普恩之外 階內侍省及內侍省內坊官四品已上各賜勲 五品已上特加 一階便蕃殿省給事郊丘顧以忠 級四品巳 級如合

金吾及皇城將士應大禮移仗宿衛御樓立仗等普思之 吾威遠皇城及諸道將士等三品已上賜爵一級四品已 轉環列師營服勞打衛申威攸屬數惠是膺神策六軍 士應在京畿諸縣者亦各有賜物應緣大禮職掌行事官 有差其神衛將士賜加一階仍準舊例賜物有差神策將 下加っ 并修撰儀注及留守副留守倉庫卿等普恩之外三品已 三品巴上賜爵 **階無官者賜勲三轉在城神策六軍威遠管左右** 一賜爵一 級四品已下各加一階品官白身賜熟 級四品已下加一階仍準舊制賜物

執豆邁列庶位以觀光酌多儀而中矩誠在嚴肅理叶 綠大禮四方進表疏及賀正官各賜熟三轉故承禋祀賛 前資并員外試官三品已上賜爵一級四品已下各加 熟賞宜周諸道知上都進奏院官在城者各賜熟兩轉應 **階無官者賜熟兩轉導藩服之誠承帝庭之命忠勤旣著** 城内蕃客等各有賜物翰林待詔供奉及諸色直見任及 欽定全唐文《卷六十八节号 及郊禋俾覃錫資之思用廣懷來之義鴻臚禮賓院應在 賜爵一級四品已下各加一 廟行事齋郎減二年勞室長掌座禮生賛者減一 一階度奉職貢載觀致仕官 至

番考已滿所司緣大禮却追入行事各減 引執扇角手弩手曠騎武士天文觀生歷生漏生典鼓典 陪位者賜勲一 雜匠巧兒黃衣長上監門直長雜使三衛七色引駕 典引掌扇内園總監栽接少府將作內中尚武德軍器 外弓箭庫等諸司諸使下白身人及無品直司定額長 供作官直司長上諸州行綱考典兩縣者壽諸色番 一在城并量留十二月番者各賜勲兩轉飛龍閑廏宫 可減者便放出身崇元館行事學生及齋郎禮 轉中書門下儀制官各特賜一 人发於 選國子監學 **階應緣** 

奏其米及絹仍令上供數內申報神配峻極德稱鹽長 旣外於王公禮合加於性幣五嶽四瀆宜委本州府長吏 縣三人並以縣界年最高者充數并孝子順孫義夫節婦 等各賜勲兩轉尚年貴老所以教孝也貸義嘉節所以貞 俗也天下百姓高年者上縣以上每縣十人中縣五人 鐘工人樂人主衣主膳主酪典食胡食手宰手掌閉幕士 御士醫士獸醫門僕藥僮御書手楷書手典書流外行署 縣君並委令長實栗帛就家宣賜記具名本道一時間 經旌表行義不虧者人各賜米三石絹兩匹仍版授 定全唐文、卷六十八 王

臣烈士各令所在以禮致祭亡命山澤挾藏軍器百日不之風能禦大災咸申祀典名山大川及自古聖帝明王忠仰堯舜之聰明慕文武於方無遐想忠貞之跡緬懷義烈 赦前事相告言者以其罪罪之赦書日行五百里布告天 首後罪如初赦書有所不該者所司具作條例聞奏敢 備禮致祭當極豐潔以副如在之誠書稱望秩禮著不封 咸使聞知主者施行 11. 2.1 年 1 1 11. 11. 11. 1、 散京 下朕聞奉天地之大統必酌於人心荷宗祖之成訓必 受尊號赦文

持滿而文武百辟章奏四上以為人心不可以曲讓國 堪之方 參於國典顧惟**則身守任重器道未能被物德不足蓄身** 乎將使循名而勉其實力實而應其名乎然則予方且以 之業恬馬而有泰馬而居畫以度心夜以省已其何德 非獲巴豈不以予非生知欲以徽稱懿號誘掖勸慕之可以矯違亦用慰於太皇太后皇太后之意屈而後俞 施大號庶方咸若四表穆然皇祖披攘之基列聖焦勞 於宗工碩老輔導丞獨享秘主鬯熏燎告元履悉正元 気 全 虐 文 着 ブナハ 將法乾以行健體成而致和執沖以固高守約 νŻ

為韋弦方且以為箴語掛於皇極庶無尤違是宜與物 欽定全唐文人卷六十八敬宗 官頃因延累未及用才并左降官中有事情可恕名跡素 爽已前大辟罪已下已發覺未發覺已結正未結正繁囚 利惟新大澤可大赦天下自寶歷元年四月二十二日味 敘流人未到所在及已到未經量移者並與量移近處僧 限應左降官未經量移者宜與量移近處丁憂去任服関 見徒罪無輕重咸赦除之惟故殺人及官典犯臟不在此 尼道士移隸未經量移者亦與量移近處中外前資見任 日亦與量移如準前制已合量移有司未注擬者並任累 盂

舊制孰爲久便宜委京兆府與屯田審計會條疏奏聞 年七月十八日赦文條件聞奏京畿百姓多屬諸軍諸使 聞京城諸司捕擊推鞫動經旬時每季御史巡囚罕能察 聞者宜委中書門下量加獎用勿使屈滞授田 豪奪之源亟舉舊章猶循宿盡永言謀始必俟申明在京 或戶內一人在軍其父兄子弟不受府縣差役頃者頻有 訪舉劾積成冤滯為弊頗深宜委御史臺重舉用長慶元 百司職田散在畿内諸縣舊制配地出子逐畝平攤比 而弊深留獄要囚期舒而濫廣隱冒啟逃姦之漸倍稱成 制禄歳 量

欽定全唐文人卷六十八敬宗 者委御史臺令提舉仍條錄聞奏宜委百司官長各具條 七月十八日赦文條疏聞奏應京城內有私債經十年已 必在變通今年正月七日制勃處分條目中有未經施行 承戸稅本主收贖之日不得引令式及言私契組織貧人 令臺府勿為徵理應天下典貼得人莊田園店等便合祗 疏當司 令煩而政撓積習而弊生欲其適宜須有釐革使人不倦 曾出利過本兩倍本主及原保人死亡並無家產者宜 **勅處分如聞尚未遵行宜委京兆府重舉用長慶元年** 利病奏聞擇其善者當議改更宏文崇文館生及 孟

朔 教化之風太皇太后皇太后二等已上親委中書門下約 賜爵 禮 聖之允所以闡德教而昭前烈也二王三恪及文宣公各 峻其爵秩以極封崇內外文武見任及致仕官三品已上 齋郎三衛所用資蔭踰照與多澄源清流切在釐革宜委 威遠皇城將士普恩之外各賜勲兩轉列虞賓之位崇褒 物三十匹朕上奉兩官下臨九有庶幾廣愛之道以行 作條例聞奏懋官述職禦侮宣威監於庶僚成竭乃力 部兵部侍郎條疏以久遠可行用者兼每陸别限年限 級四品已下加 一階仍賜勲兩轉神策六軍金吾

**舊例量加優賞二廣分營六師環衛梯航貢奉玉帛會同** 者并守本軍本營者各賜物有差鴻臚禮賓院應在城內 旣勤勞而可嘉亦懷來之所尚神策及六軍金吾威遠皇 次定全事七一人失三十一敬宗 蕃客等並節級有賜物宣賛盛禮潤色鴻徽爰錫龍於崇 城等諸軍將軍統軍以下各有賜給其將士等長行立仗 身正員官奉冊奉寶綬官書王册官書寶官各加兩階進 身撰册文官左僕射平章事李逢吉宜依舊例賜一子出 皆亦推思於任子攝侍中讀實官門下侍郎平章事實易 直攝中書令讀冊官中書侍郎平章事李程各賜一子出 Ē

各加 邦天下百姓九十巴上委所在長吏量加存問孝子順孫 寶般進冊中嚴外辦理儀養導押冊押寶級舉昇寶冊官 義夫節婦旌表門間終身勿事先已旌表者亦量加優如 令政未有遺年先哲之格言實先顧行義存忠厚教裕家 餘 金ダムイントオフラ 生前炳靈出圖表異故能發洩雲雨蓄涵風雷望秩之儀 應職掌行事官及寫制書官太常修撰儀注禮官并官 行事官三品已上賜爵一 轉造玉册并填金字造實裝官各賜五十匹前王之 階合入三品者待考足日聽敘合選人減一 級四品巴下加 階仍并賜 選 其

具作條例聞奏敢以赦前事相告言者以其罪罪之赦書川及自古聖帝明王忠臣烈士令所在以禮致祭亡命山學族藏軍器百日不首復罪如初赦書有所不該者所司以資識潔五嶽四瀆宜委本州府長吏備禮致祭名山大 欽定全唐文人卷六十八敬宗

欽定全唐文《卷六十九 欽定全唐文卷六十九目錄 文宗 封皇子永為魯王制 授崔宏禮天平軍節度使制 誅劉克明等教 授李宗閔同平章事制 授韋處厚中書侍郎同平章事制 授路隨中書侍郎同平章事制 加王播尚書左僕射制 目錄

降漳王湊為巢縣公制 授宋申錫行尚書右丞平章事制 授王涯同平章事制 授李德裕平章事制 貶宋申錫開州司馬制 貶宋申錫太子右庶子制 贈李絳司徒制 授牛僧孺兵部尚書平章事制 答請慶成節表制

欽定全唐文 卷六十九 授王涯開府儀同三司充諸道雄茶使制 授舒元與李訓守尚書同平章事制 授賈餗中書侍郎平章事制 授李固言門下侍郎同平章事制 貶李德裕袁州長史制 恤 封諸王男為郡王制 授李宗閔中書侍郎平章事制 刑制 E 錄

寶歷二年十二月即位改今名在位十四年年三十三盆 欽定全唐文人卷六十九文宗 兇構禍矯宣遺言不詢羣臣專斷神器恃近而迫衆倚兵 帝韓昂穆宗第二子元和四年生長慶元年封江王名涵 欽定全唐文卷六十九 大行皇帝聰斷英明臨下以法方將致理以 而 曰元聖昭獻孝皇帝廟號文宗 取威謂天地可欺神明可罔旣而奸謀發洩兇黨彰聞 文宗皇帝 誅劉克明等教 區夏而妖

當同大行皇帝正柩於太極殿前率依光陵故事有司條 公多士中外藩衛皆累朝熟績先聖龍任致兹刷慎哀慶 龍將士等搜摘伏匿大擒諸妖或血刃當辜或赴井自斃 寡人義重君臣毒甚手足拊膺號悅誓清兇徒果有義烈 腹近臣及諸職事官并左右神策六軍使兼諸軍使及飛 刑書問有漏逸歡呼震地抃快聞天此皆宗社威靈文 協力剪盪兇宠克有成算豈伊菲薄敢貪天功想於羣 劉克明田務澄蘇佐明王嘉憲石定寬等二十八人並 誠志遂以宰相定議乃親率左右神策護軍中尉

欽定全唐文卷六十九文宗 置之極樞將恢與運之功俾協具瞻之望博閱名實獲兹 制語充翰林學士上柱國賜紫金魚袋韋處厚體道為徒 忠賢實帝資子其誰與讓正議大夫行尚書兵部侍郎 甫寧上奉山陵七月之期內付詩謨庶政之始匡我眇末 構大厦者實先梁棟之村濟巨川者必資舟楫之用朕越 自藩邸膺期大統風夜震兢若蹈泉谷況齊毗思乂艱 級各有優賞布告遐邇咸使聞知 務盡誠信其冢宰司空平章事裴度當攝立功將士 授韋處厚中書侍郎同平章事制

式是中外放兹雍熙仰予沖人克遂垂拱是用握外 式亮帝圖庶無愧於知人且用光於斯道於戲前哲有言 雪憤橫涕披肝貢詞約我以禹湯罪己之勤博我以古今 屬者變生官掖謀俟經綸首參展定之功載竭忠貞之效 壹被直操彰其遠猷臨危勵難奪之誠推忠備宏益之道 見義能勇居易以行古至和而不流冰霜挺松柏之姿貞 明而用之以晦選自經藝侍於穆宗擢司密命實養先帝 白秉珪璋之德文揮風雅學該儒元器洽而保之以謙 理之要聽必感動悉其條陳洪纖靡差夢上斯協必能

為一人之股脏注四方之耳目僕射之職在於參賛萬務 我命可中書侍郎同中書門下平章事散官敷賜如 欽定全唐文人卷六十九文宗 規茂庶富阜康之績勿替明戒時惟永圖汝往欽哉無忝 復貞觀開元之令政用人乃辟罔非在中崇易簡久大之 良臣惟聖處殷憂舉衆之任荷濟理沃心之期注四方傾 相之任所以撫鎮國家出納王命弱亮刑政愛理陰陽 無忽於詢事慎爾初守固其持平協廟廷卿士之和 之勤在百度維新之際無怠於誨無廢於身無曠於登 加 王播尚書左僕射制 ----故

諸道鹽鐵轉運等使銀青光禄大夫檢校司徒同中書 具瞻其有久司利權累分間寄位重邦教任隆臺階爰因 統率六官師長百寮總臨臺寺冠中朝之碩望為多士之 邑七百戸王播知識精深機神敏達長才適於通愛雅量 下平章事揚州大都督府長史上柱國太原縣開國男食 覲之榮再賜登庸之命俾升鼎敛用輟旌旌淮南節 於寬明亟登將壇仍佩相印休聲早振於全蜀成績近 大使知節度事管內營田觀察處置臨海監牧等使兼 維揚山澤之貨無遺輸轉之資相繼用佐經費克彰 度

忠勞朕獲守宗祧君臨億兆尚賴匡救風於輯寧於戲爾 钦定全喜文 卷六十九文宗 推筦之重往踐乃位汝其欽哉可尚書左僕射同中書 施於四海舟楫之利無專美於一方寵以端揆之樂仍兹 有嘉謨我求懿德將期納誨以及交修真霖雨之濡能普 一平章事依前充諸道鹽鐵轉運等使散官熟封如故 一於簡拔常所重難況齊魯分疆河朔接境過寇虞而固 守宣德教而按州部付之專柄思得全才是用報近 下節制師戎考察風俗誠藩方之倚任實朝廷之注意 授崔宏禮天平軍節度使制 旦

以經務清吏職而約法必有餘地以康吾人大將鼓旗 柔適用率之以義則無不化齊之以禮則罔不服恢武 宏禮文學發身擴之以襟度忠信為主輔之以誠明累分 招長者之聲光得大臣之體要屬樂陵未靖戎事方**殷** 侯弓矢文昌顯秩憲府雄班參以命之龍兹俞往承我 宰憂勞舊恙纏迫念兹易置期在惠安當使恩威並行 郡 循良撫東平之凋察式孚成命所為至公正議大夫崔 勿替前修可檢校戶部尚書使持節鄆州諸軍事兼 符亦捻戎鎮理行第一奏課連最來必畏晚去常見思

州刺史御史大夫充天平軍節度軍曹濮等觀察處置 誨彰於說命眷求懿德斯惟愈詣中散大夫守尚書兵部 散官勲如故 性稟中庸氣含大雅身無擇行學不為人敏識周通宏才 化源崇固理本立我皇極賛於時邑故任賢著於禹謨納 **綏輔萬邦實資乎元首弼成庶績允屬於股肱將以導宣** 恢博挺然仁者之勇蔚為君子之儒祗事穆宗侍經內殿 郎知制語充翰林學士上輕車都尉賜紫金魚袋路隨 授路隨中書侍郎同平章事制

綜數學才退無後言動必慮善貞爾百度弼子一人寵以 謹言盈耳每訪謨猷之指用陳裨益之誠出不忘於說辭 毗倚之任於戲干戈未息爾其宏智用以靜窓攘役戍尚 退必聞於削薰器可經國忠能致君跡其公正之方用升 左右便蕃未當言及温樹周旋九載始終一心直道匪躬 重 敷堯舜之大典暢周孔之遺風雅言玉音與義冰釋潤色 金分百居文人卷六十五 王度發揮聖聰出入禁闥踐履華貫位彌高而惟謹任愈 爾其宣柔服以懷戎狄均國賦以安阜百姓振朝綱以 而滋恭逮及先朝復參密命確容侍從早已賦於甘泉

峻陷委之極務往踐厥位時乃之休可正議大夫守中書 革華夏思安爰登臺臣弼我元化正議大夫尚書吏部侍 未靜兵甲屢釁蒸黎匪寧納隍在予輟食興歎今苗頑旣 侍郎同中書門下平章事熟賜如故 閔立德秉舜履道居業文行可以經邦國忠正可以動神 股肱宣異機務朕嗣守實位於今四年屬滄景構好河 钦定全唐文 卷六十九文宗 王者祗順天道統理人極茂育品類愛調陰陽必在旁求 一柱國襄武縣開國侯食邑一千戸賜紫金魚袋李宗 授李宗閔同平章事制 天

門下侍郎平章事散官熟封如故 兹寵光尚致予理敬戒休命無替嘉猷可守本官同中書 制度以宏典常信賞罰以旌淑隱有犯無隱進思獨違 法以肅羣司簡政勤心以安兆姓推誠忠恕以靖四方嚴 重啟沃之義注於子東爾其舉正去邪以清百時提綱舉 **衡之政於戲知臣匪易求賢惟勞膺三台之崇養萬機之** 祇周知愛通識達今古自望高多士名重四朝奉絲綸於 熙光膺夢上以匡台德用濟巨川宜昇樞軸之尊倮叶 垣平銓綜於省闥公直有裕清貞自持固可以相導雅

欽定全唐文人卷六十九文宗 哉戒哉無忝我列聖之休德可封魯王仍令有司擇日 於儀形姿範藹然是用嘉慰將奉聞詩之教真彰樂善之 朕恭承寶位欽若璿衡兢業戒懷懼忝洪構今皇嗣誕秀 禮册命 旣流慶於天枝白茅啟封宜分王於土宇用崇大典式固 風俾治寵恩允膺錫命庶表祥於麟趾爰建社於龜蒙敬 丕圖長男永植性端莊稟靈聰哲神氣挺於岐嶷和粹精 封皇子永為魯王制 授牛僧孺兵部尚書平章事制 논 備

昔漢宣帝用那魏以成中與之業我元宗任姚宋以致開 書同中書門下平章事使持節鄂州諸軍事鄂州刺史上 安黃申等州觀察處置等使金紫光禄大夫檢校吏部尚 密襟靈沈粹窮聖賢古奧之學鋪邦國經緯之文蔚為名 靡追憂勤至切將倚任於國柄宜登進於人傑俾其復運 臣秀出羣萃長慶御悉登賢濟人廊廟有光臣工得職 樞極載清化源斷自朕懷允膺愈屬武昌軍節度鄂岳斬 元之理其術無他得賢而已朕提居大寶首涉五年宵旰 國奇章郡開國公牛僧孺氣含元精體包大雅識用夷

待其臣以致之臣不能自為伊皐必待其君而任之致 平章大政康濟四海毗子一人於戲君不能自為堯舜必 促裝喜韓侯之來朝便殿延對前席與言通古今理亂之 使百官得其人萬事得其序邪正之路必判清濁之流必 期於盡忠任固在於聳善然後上下交泰君臣相須爾 源知教化損益之務其應如響不知所然是宜卿長夏官 和宣力事君時乃之續朕飽聞器業虚竹風儀會曹參之 次三年与と一人ようとし文宗 分金堅一心扼制羣類無重否德予皆仰成可兵部尚書 協理時乃之休先朝與能出兼征鎮毗俗不變師旅 則

鳴王嘗極清班先聲而物議皆歸不約而羣情自許漢 横惟不幸之酷殄瘁與歎搢紳所同故山南西道節度管 内觀察處置等使銀青光禄大夫檢校司空兼與元尹御 朝 同中書門下平章事散官熟封如故 風清直抱仁義以希前哲立標準以程後來抑揚時情 致台輔佐我烈祖格于皇天仗鉞宣風縣居樂土栗 有正人時稱令德入參廟算出總師干方當龍任之臣 ラとろうノオコーナ 贈李絳司徒制 一柱國趙郡開國公食邑二千戸李絳神授聰 明

據沈痛可贈司徒仍令所司擇日備禮冊命賻布帛三干 傷是極哀樂用優典禮三公正秩品數甚崇式表異恩以 名部伊遂便安而變起不圖禍生無兆強良之働聞計增 次定全喜文卷六十九文宗 夷夏必資髦傑用委鈞衡朕嗣守丕圖思宏至理萬物之 才已得於詢謨擢自內庭授以家職爰立左右斯為得 重屬於台臣仄席勤求冀禪不逮況素效久彰於密勿精 段米粟二百石 納大命宰司元化調四氣以統和天人貞百度以鎮安 授宋申錫行尚書右丞平章事制 九

德 其元蹟夙播休問拔乎羣倫自選入周行參我內署奉職 朝 持化權參決理本是用升於鼎並付以樞機縣仙聞總轄 彌 之司當宰輔具瞻之地熙此庶績獨子一人於戲元首以 司牧萬方股肱以協賛皇極上推公以馭下臣竭忠以戴 議 肅率心坦夷藴沖用以究國經鋪 天資正性處約居厚蹈中秉藥文每掇其精華學必探 久宏益滋多联累因暇日召於别般訪以大政觀其 而曾襟洞開肝膈無隱識精詞直實契虚求固可以掖 郎守尚書右丞上柱國賜紫金魚袋宋申錫岳降全 フーン 訓詞以潤王度密賛 47

尚屈舞章章王凑手足之親盤石是固居崇龍秩列在威 欽定全唐文《卷六十九文宗 藩項多克順之心亦有尚賢之志而滿盈生患敗覆自圖 君際會交感而臻大化思視前古何莫繇斯子方率是道 如或慎修不至註誤有聞構為属階犯我邦紀未加極電 姦兇會同謀議滋及汗我皇化彰於中外初販予衷載驚 王者教先立愛義不遺親豈於同氣之中可致異詞之閒 正議大夫行尚書右丞同中書門下平章事勲賜如故 臨兆人爾宜悉乃心以成一 降漳王湊為巢縣公制 德敬戒厥位永孚於休可

憲章旣虧恪慎之心難委弼詣之任正議大夫行尚書右 君臣之道義切初終股肱之良任存正直苟涉邪枉自紊 用降封有醜朝典凡百多士宜諒朕懷可降封巢縣開 **羣聽尚以未具獄詞猶資審慎建侯之命姑務從寬於戲** 还同中書門下平章事上柱國賜紫金魚袋宋申錫學習 朕嗣守宗祧敷宏至教自家之訓未立掩義之私敢忘是 門職參翰苑備我顧問洽兹電光謂其啟沃竭忠擢登 貶宋申錫太子右庶子制 國

冤濫鞫驗之際須務詳明當好得情以申後命可行太子 台席列位龍樓誠謂寬思用全至體朕以事狀之閒慮其 欽定全唐文《卷六十九文宗 勅正議大夫新授太子右庶子上 姦回之路宜先懲勘之源豈可猶秉樞機仍司考轄罪 錫頃由藝文權處近密調能潔已可以佐時遂越常資超 右庶子散官勲封如故 大任自參樞務縣易寒暄嘉謀蔑聞醜跡斯露致兹獄 **鼓而乃践修不慎自医愆尤知臣之規俾予增愧欲遏** 貶宋申錫開州司馬制 |柱國賜紫金魚袋宋申 土

爰求國楨以輔台德銀青光禄大夫守兵部尚書上 弼亮鈞衡宣異統紀明景化以凝庶績改嘉謨以建大中 頗為審克屈兹彝憲俾佐退藩凡百具寮宜知朕意 耿然是用重難親臨鞫問謀及者德編於名卿庶其盡忠 正刑之際姑示寬恩於戲朕自君臨推誠宰輔常務仁 訴實駭朝聽伸窮根本亦對詞稱以左驗之閒有所漏 保和平豈意魚水之期翻胎吳越之慮撫事與歎中宵 一縣開國伯食邑七百戸李德裕元精孕靈和氣毓德 授李德裕平章事制 柱 恕 國

濟川之望是宜納海朝夕擢居股胚勉宏伊吕之勲以嗣 茂此聲績朕以疇庸之典彝訓所先入遷司馬之崇彌積 滑臺再委旌旄緝安邛蜀克有殊政咸懷去思諒惟全才 無添承命服兹寵光可守本官同中書門下平章事散官 良平之美業傳相印門襲戎旗紹絲綸内職之榮繼鼎鉉 聞釐紀律詳平之司竭計謨密勿之節泊廉察浙右總鎮 文師六義之宗令聞風彰愈詣允屬自提綱柏署掌語禁 堅直成性清明保躬貞規澹夷敏識沖遠學總九流之與 樞之重珪紱之盛恩輝罕傷爾宜罄乃忠貞副我毗倚 , 文宗

署竭忠擢登輔弼先帝以台階宿望寵授旌旃陰陽麼 潘服寧訟機務允理政經交修泊綜銓九流式亭百禮提 千戸王涯元精降靈體道東哲恬智成性清貞保躬文行 僕射充諸道鹽鐵轉運等使上柱國代郡開國公食邑二 以緝新規簡自朕心用光愈屬金紫光禄大夫守尚書 居端揆之任再踐國鈞稽筦權之功兼司邦計爰崇舊德 邦風操可以鎮俗以明用晦處貴滋恭憲宗以 授 王涯同平章事制

省員而簡務是用合此二柄委於元僚正兹通變之初藉 費轉輸任分兩使量入制用誠患多門俾足食以豐財在 我股肱之重勉思率職無或憚煩敬戒乃心欽承休命可 語朕以邊鄙防微猶存兵戍資儲之備供億尚繁頃者支 省表具知朕以誕生之日延集緇黃式運常儀用宏二 卿等啟心輔德叶志納忠稽貞觀開元之舊章述慶善五 守本官同中書門下平章事充度支及諸道鹽鐵轉運使 紀律統明貨泉法必便人事先體國聲績茂暢洽於羣 答請慶成節表制 一教

男滂叮封高平郡王故洋王大男沛可封賴川郡王淄 大男擀可封許昌郡王沔王大男臟可封晉陵郡王祁 欽定全唐文《卷六十九》 男演可封臨川郡王故深王大男潭可封河内郡王第二 秋之令範爰崇誕日請號慶成顧子寡昧懼恭舜典今以 王大男漢可封東陽郡王第二男源可封安陸郡王第三 同歡心於萬國申盛禮於兩官深嘉誠勤是用依允 王者子弟畢封藩威並建所以式固盤石克茂本枝故澧 淑可封吳與郡王故絳王大男洙可封新安郡王第二 封諸王男為郡王制

管内觀察處置等使兼與元尹銀青光禄大夫檢校禮部 册命 壁凝温朱絲秉直文窮三虁學洞九流早以忠規契於審 茂體陰陽之和周旋成禮樂之用外宏疎朗中實誠明白 職代天工望歸人傑必資求舊九副愈詣山南西道節度 千戸李宗閱嚴廊正人宗室全德才惟不器道實生知粹 尚書同中書門下平章事上柱國襄武縣開國侯食邑一 大男溥可封平陽郡王仍並賜光禄大夫宜令所司擇 授李宗閱中書侍郎平章事制

章慎選方岳敷我利澤臻於治平自出鎮漢中旣周星律 金牙住居文一老六十九 及延召宣室益加前籌是宜再防中樞直修寂職咨爾良 巴俗雖歌乎來暮國人頗詠於去思遂用徵還蓋從公望 存於嫉惡鼻陶承酌道遠於不仁康濟而金棍有倫麼 而玉燭無爽謇諤勵大臣之節端莊清至化之源修明典 靡回啟心常罄其嘉謀造膝必聞其法語行父事君志 雅有元略能宣大猷医寧戎顧協賛郊祀見可而進知 其聽朕言夫天地交泰則時和君臣訴合則國治眷求 德出納萬機勉宏如水之心式副濟川之用命官問及

封如故 次定年事之一失二十七文宗 意敬之戒之可守中書侍即同中書門下平章事散官熟 仍歲水旱黎民艱食其宰牧非才貪殘為害及承前積弊 訪具狀聞奏用弭天眚 須有條流或冤獄留滯速宜疏決者並委觀察使糾察詳 寅亮皇猷丹青景化爰從選求之舉乃得非常之才前浙 於私昵韶爵必俟於賢能俾庶績惟凝葬倫攸敍無香注 授買辣中書侍郎平章事制 恤 刑制 5

節潤州諸軍事兼潤州刺史御史大夫上柱國姑臧縣開 朕 獨爾其守法制平釣衡貞王度以振國經釐百工以凝庶 國男食邑三百戸賜紫金魚袋賈餗識達韻孙學深行直 西道都團練觀察處置等使朝議大夫檢校禮部尚書持 續舉直錯枉當官而行於戲為君之戒在知賢而不任 納忠規推誠明而無外飾察言考事深用得之近命列藩 八和自立介特不羣能操至公每契中道聲逸羣聽善詣 タミスコーオフライ 聞食論固可以參我大政防於中樞天政子懷資此良 心自尹京師尤彰望實亟召便殿屢陳嘉謀罄肝膈以

臣之患在保位而不言罔或依違虧吾則哲可守中書侍 崇秋猶列東朝銀青光禄大夫守太子賓客分司東都易此姦光與比誠敬盡虧無君之心因事輒見豈可尚 久正正明し、大下上文宗 肆意欺誣廢撓舊章汨亂鄰序賢良盡逐當白晝而重 柱國賛皇縣開國伯食邑七百戸李德裕性本陰校村 有國之典本於明罰為君之道必在去邪皇王大政該 弱因緣薄藝頡頏清途既添藩鎮旋處釣軸靡懷愧畏 同中書門下平章事散官熟封如故 貶李德裕袁州長史制 Ę

縣錢僅三十萬貫使波贏老弱轉徙溝壑交結異類任 惟昔太宗聰明睿聖克致治平惟魏徵左右文祖叶建皇 夙經委使載深寬宥俾佐退服用示寬恩可守袁州長史 儉人賄賂流行朱紫無辨是宜處之重典以正刑書猶 道左絡繹追呼滿朝傾販竟以不至又在西蜀之日徵 詭詐是謀逮中宵而萬變朕當以寒暑得疾初甚驚人 百臣子奔走道路而德裕私室宴然全無憂色王涯駐 驛發遣 授李固言門下侍郎同平章事制 用

钦定全唐文人卷六十九文宗 協命爾子翼倚為股肱登於黃樞參我大政爾當一乃心 日者徵自近郊延於便殿言多方格道不容回嘉謨有倫 下位早揚直聲介然無朋中立不懼文經邦俗行表人倫 正色無撓朱紋暢疏越之韻美玉呈特達之姿泊長憲臺 志罄買忠貞澄清品流旌别淑愿俾四夷左衽咸寧吾教 用底於道御史大夫李固言生於山東瑞此王國爰在 **幡頁棟梁之村辛毗有骨鯁之操便蕃華貫光啟令圖** 彰休問固可以斟酌理本愛調化源疇咨愈同夢上 別朕寡薄思紹不烈旁求魏徵之比真諸嚴郁庶神 七

夢勞果獲惟肖爰舉並命以寵非常朝議郎守御史中丞 自 文可經邦才惟濟代列於百辟之上俾輝三台之光令我 出 悉力欽哉戒哉無忝前良可門下侍郎平章事 正性道懷那魏詞擅菁英居然不器之能雅蹈中庸之美 納王命流品衆職覃理化於區夏謹法度於嚴節是有 伯卿士各稱厥官問曰難理惟其至公問曰弗能惟其 刑部侍郎上柱國賜紫金魚袋舒元與杞梓長村金玉 領綱紀肅清朝廷碩望允歸於應期讓言莫匪乎體 授舒元與李訓守尚書同平章事制

陟 作礪之規珪璋有聲隱鳳有采朕常法官高視所實惟賢 欠已日馬と一大六十七文宗 論成邦國之經泊參職內庭發揮王度盛業見乎造膝 寤 夙夜一心小大同體則和天地序陰陽臻乎治平吾所寢 國守兵部郎中知制誥充翰林學士賜緋魚袋李訓軒 方清化源遂得時傑嗚呼君執象以端展臣推公以秉 武藹於伏蒲並沖敏執中端粹不倚成藴莫磷之志克宏 族 爾宜率匡國之道明理人之方伊其致君無愧往哲咸 柄佇宏大猷秋官禮聞莫非寵任祗厥成命往惟欽 河岳閒賢德茂阜夔文含雅語窮易悟象擊之表吐 鈞

紫金魚袋 哉往者朕究大易皆訓之義也尚未終卷政事之服宜三 其竭股脏以宣力抱誠明而戴君調四氣以統和天人貞 平章事訓可守尚書禮部侍郎同中書門下平章事仍賜 兩日 金ケビスンラオニ 百度以鎮安夷夏勤彰於山澤德冠於嚴原不舉龍章曷 **小褒勸金紫光禄大夫守司空兼門下侍郎同中書門** 下王者峻其禮秩所以報殊庸崇其職業所以歸碩望 度入翰林元興可守尚書刑部侍郎同中書門 授王涯開府儀同三司充諸道權茶使制

等使上柱國代郡開國公食邑二千戸王涯誠貫金石行 緯之文為時而生作予良獨長才推於精敏雅量得其寬 平章事兼充宏文館大學士太清官使及諸道鹽鐵轉運 和乃者重升帥壇所至必理載踐台席楙昭休熟當險夷 通神明氣含元精識洞著蔡窮聖賢旨奧之學擅邦國經 臨難有大臣之節執萬機之政柄統四海之利權處劇 神處益閑在貴而家法愈儉憂國盡率罄其計誤爰自累 之途貞白無染在風雨之晦操尚不衰莅事秉明哲之心 年江淮水旱煮海之利日用而不虧佐賦之功歲杪而後 ノと言 而

欽定全唐文 卷六十九 弊理須愛更凡斯重難悉以資委禮當優異式表至公件 邦計之務總領尤難付之均節克有饒羨朕今以茶法 顯轉輸之利相繼年籠之資無遺經費有餘時乃之力況 位 進級於三司仍策熱於八命予皆仰成汝其欽哉往踐厥 故 可開府儀同三司充諸道鹽鐵轉運推茶等使餘並 稍 如